

Antara bulan yang istimewa dan memiliki kelebihannya yang tersendiri adalah bulan Sya'ban, bulan yang hampir dengan Ramadhan yang mendapat kemuliaan daripada Allah SWT.

Malam Nisfu Sya'ban juga merupakan antara malam mustajab untuk berdoa. Korang tahu tak bila tarikh Nisfu Sya'ban ni? Haa, tarikhnya adalah pada 15 Sya'ban, iaitu sebaik sahaja masuk waktu Maghrib pada hari Khamis 17 Mac 2022.

Umat Islam digalakkan untuk berdoa dan memohon keampunan daripada Allah SWT. Disunatkan juga buat umat Islam untuk menghidupkan malam Nisfu Sya'ban dengan memperbanyakkan ibadah berzikir, membaca al-Quran, berdoa, bertasbih, berselawat, beristighfar, hadir majlis ilmu dan lain-lain.

Ini antara doa-doa yang boleh korang *take note* untuk berdoa pada malam ini. Ingat, ini sebagai *guideline* je tau! Bila kita nak mohon sesuatu daripada Allah, mestilah kena ikhlas dari hati. Lebih baik korang list kan awal-awal doa korang tu agar tak tertinggal nanti.

## **Bahagian 1**

### **Pengampunan Dosa**

1. Minta ampun ke atas dosa2 diri sendiri
2. Minta ampun ke atas dosa ibu bapa
3. Minta ampun ke atas dosa pasangan
4. Minta ampun ke atas dosa anak-anak.
5. Minta ampun ke atas dosa keluarga (sanak saudara adik beradik)
6. Minta ampun ke atas dosa guru2/ustaz/ustazah
7. Minta ampun ke atas dosa muslimin dan muslimat (sama ada masih hidup atau sudah meninggal dunia)

## **Bahagian 2**

### **Keperluan Masa Kehidupan**

1. Dimudahkan rezeki
2. Diberi sakinah (ketenangan) dalam keluarga
3. Anak-anak diperlihara oleh Allah
4. Minta rezeki diberkati
5. Dijauhkan dari musibah, bala bencana, penyakit
6. Dijauhkan dari ujian yang tak mampu untuk kita tanggung
7. Minta hati anak-anak kita tidak berpecah belah
8. Minta orang lain kasih kepada keluarga dan diri kita
9. Dijauhkan dari orang yg dengki khianat, iri hati, cemburu kpd kita

### **Bahagian 3**

#### **Urusan Ketika Kematian**

1. Mohon Mati dalam husnul khatimah
2. Mohon Mati dijauhkan dari fitnah
3. Mohon Dapat mengucap syahadah “La ilaha illallah, muhammadur rasulullah”
4. Minta mati sedang dalam beribadah

## **Bahagian 4**

### **Alam Barzakh**

1. Jadikan kuburku nanti dari taman-taman syurga
2. Jangan jadikan kuburku dari lubang, lubang api neraka
3. Ya Allah, aku takut gelap (terangkanlah kuburku)
4. Ya Allah, aku takut sempit (luaskanlah kuburku)
5. Ya Allah Engkau lapangkanlah kuburku sejauh mata memandang
6. Engkau berikanlah rezeki pada ku didalam kubur nanti
7. Engkau bukakanlah satu pintu nampak tempat dudukku di dalam syurga

## **Bahagian 5**

### **Ketika di Padang Mahsyar**

1. Ya Allah, selamatkanlah aku di padang mahsyar
2. Jadikan aku orang yang duduk dibawah perlindungan arashmu
3. Ya Allah, jangan Engkau seksa aku di padang mahsyar
4. Berikanlah suratan amal dari tangan kanan
5. Padamkan dosa-dosaku di dalam kitab2 amal
6. Jangan Engkau tunjuk/tayang dosa-dosaku yang dulu aku lakukan di tayangan amal
7. Tutup dan lindungilah aib-aibku,dosa-dosaku dan kesilapanku dulu
8. Beratkan timbangan amal di sebelah kananku
9. Masukkan aku di dalam golongan yang masuk syurga tanpa hisab.

## **Bahagian 6**

### **Lintasan Titian Sirat**

1. Permudahkanlah aku milintasi titian sirat
2. Jangan jatuhkanku ke dalam lubang neraka ketika melintas titian sirat
3. Ya Allah, tolonglah aku ketika melintas titian sirat
4. Ya Allah, percepatkanlah aku melintas titian sirat sepantas kilat.



## **Bahagian 7**

### **Masuk Syurga**

1. Ya Allah, kurniakan aku syurga firdaus
  2. Bangkitkan aku bersama nabi Muhammad saw di syurga firdaus
  3. berilah aku dapat berganding, berdamping dengan Nabi Muhammad SAW
  4. Ya Allah, jauhkanlah aku dari azab api neraka.
- 